

in quorum imperium successit humilis Constantinus; ac tandem, ut paucis nulla complectar, nemo ignorat potentissimos Caesares ab urbis romanae sede multis retro anni divini brachii potentia expulsos fuisse, et in eadem humiles Christi discipulos collocatos, Petrum, Linum, Clementem, Silvestrum, et reliquos romanae ecclesiae Pontifices, legitimos Christi vicarios, et Petri successores. Unde quemadmodum potentissimi illi Caesares imperium suum in dies magis dilatare satagentes, varias nationes debellarunt, suoque dominio subingarunt, ita Christi Domini apostoli per universum orbem eius fidem propagantes pene innumera regna christianae legis iugo, non aliis, quam verbi divini bellicis tormentis subdididerunt, ac Dei veri obedientiae mauciparunt. Davide dicente (Ps. 18): *In omnem terram exitus eorum: non hyperbolice, sed vere ait: In omnem terram; nam cum duodecim essent apostoli, in totidem partes, ex quibus componitur universus orbis, ad praedicandum evangelium divisi fuerunt. Tria noscuntur esse orientis signa, gemini, libra, et aequarius: tria meridiei, taurus, virgo, et capricornus: tria occidentis, piscis, cancer, et scorpio: tria tandem aequilonis, aries, leo, et sagittarius. Per quae omnia Christi apostoli peragrarunt, divini verbi gladio, Christi imperio varias nationes subiugantes, Simoni, Bartholomaeo, et Matthaeo primum ternarius orientis in sortem cecidit: Simoni, Aegyptus sub gemini: Bartholomaeo, Bactriana, Licaonia, Armenia, sub signo librae: Matthaeo, Aethiopia, quae sub aquario iacet. Secundus ternarius meridiei in sortem cecidit Andraeae, Thadaeo, et Thomae: Andraeae quidem Achaia in Graecia sub virgine, Thadaeo Persia et Mesopotamia sub tauris; Thomae India superior, Brachmanes, et Ircani, qui sub capricornio degunt. Tertius ternarius occidentis contigit in sortem Ioanni, Iacobo minori, et Philippo: Ioanni quidem Asia, Iconia, et Phrigia, sub canero iacentes; Iacobo minori, licet aliquot tanquam Ierosolymitanus Episcopus a Iudaea non discederet, ex Cilicia, et Pamphilia adventantes, qui sub pisce habitant, docere et instruere incubuit; Philippo Syria contigit sub scorpione. Ac tandem quartus aequilonis ternarius, Matthiae, Petro, et Iacobo maiori: Matthiae quidem in sortem cecidit pars illa Iudaeae, et Syriae, quae sub ariete cadit; Petro principi Apostolorum universa Italia, praesertim tamen Roma quae sub leone degit; Iacobo denique Hispania, Celta, et Arabia felix, quas sub sagittario esse constat: his omnibus Paulum adiungam, de quo Christus Dominus ad Ananiam dixit (Act. 9): *Vas electionis est mihi iste, ut portet nomen meum coram gentibus, et regibus, et filiis Israel: quod sane ita exacte divina Christi ope praestitit, ut cum primum catholicam fidem professus fuit, ex Damasco in Ierusalem se contulit ad Christi evangelium evulgandum: deinde in Tharsum, Ciliciae metropolim, postea in Antiochiam, celeberrimam Syriae urbem; rursus in Phrigiam, in Galatiam, in Troiam, in Macedoniam, et in Athenas; inde in Corinthum, in Ephesum, in Mi-**

letum, et in plures alias Achaiae et Graeciae insulas pervenit: post ad Arabes, Italiam denique ingressus est, ac Romam pro Christi nomine, post innumeras nationes evaginatio divini verbi ense expugnatas, et Christi imperio subactas, effuso sanguine, animam Creatori suo triumphans reddidit; cui sit honor et gloria in saecula saeculorum. Amen.

HOMILIA XXVI.

Variis expositionibus elucidantur verba illa: Esurientes implevit bonis, et divites dimisit inanes: quorum occasione, tremendum illud Christi elogium explicatur: Facilius est camelum pro foramen acus transire, quam divitem intrare in regnum coelorum: nonnullaque proferrunt adversus divites avaros.

Volens Deipara Maria divini brachii potentiam decantare, in tribus praecipue illam mirifice se ostentasse demonstrat, in evolvenda superborum sapientia, in expugnanda principum potentia, in frustranda tandem divitum suis in opibus vana confidentia: unde primo cecinit (Luc. 1): *Dispersit superbos mente cordis sui; ecce superborum sapientiam evertit: subdidit deinde: Deposuit potentes de sede; ecce principum potentiam calcavit; tandem subiungit: Divites dimisit inanes: ecce vanam illorum in divitiis confidentiam frustratur, et confringit potentia divini brachii, opibus suis illos expoliens, et inanes dimittens. Quia tamen in operibus Dei misericordia, et iustitia praecipue effulgent, iuxta illud Davidis (Ps. 100): *Misericordiam, et iudicium cantabo tibi Domine: iudeo cum dicitibus, in quos divina iustitia invenitur, coniunxit esurientes, in quibus saturandis divina misericordia se prodit et manifestat. Ad utriusque tamen sententiae expositionem accedens, cum in eo quot capitula, tot sint doctorum placita, omnium illa referam, et quaedam eorum nonnulli prosequar, quia si de singulis late disserendum esset, provinciam longe a nostro instituto alienam sumeremus.**

Primum ergo expositionem tradit Episcopus Christopholitanus (in exposit. sup. Magn.), qui per *divites* intelligit angelos, qui de coelo ceciderunt; per *esurientes* vero iustos, qui ad coelestes eorum sedes ascenderunt: verba eius sunt haec: *Homines esurientes, et silentes iustitiam, et cupientes toto conatu iustificari per Christum: et esurientes, et cum effectu, et conatu, et violentia poenitentiae desiderantes illam gloriam, Christus implevit illos bonis coelestibus, et daemones qui erant in coelo divites per naturam, et gratiam, expectantes esse divites per gloriam, si stitissent; et Deo parvisse, dimisit inanes, et vacuos, et frustratos in mente cordis sui, et in sua intentione: quia non solum perdidit sedem Christi, quam usurpare volebant, sed etiam sedes, quae possidebant.*

Secundam expositionem tradit Chrysostomus Lusitanus (de verbis Domin. t. 1. l. 8. c. 2), quae

licet partim cum praecedenti conveniat, partim tamen ab ea dissentit: assertit enim per *esurientes* intelligi angelos bonos, qui esurierunt claram Dei visionem, in qua beatitudo consistit; per *divites* vero intelligi angelos malos, qui multis bonis tam naturalibus, quam supernaturalibus fuerunt locupletati: quia tamen angeli boni esurierunt beatitudinem; illa fuerunt repleti; isti vero, quia in multitudine divitiarum suarum spiritualium superbe confidebant, omnibus illis spoliati fuere, exceptis intellectu et voluntate, quae in eis integra remanserunt quoad vim naturalem. Sed et id etiam redundavit in maiorem eorum miseriam, quia quo plus penetrant infelicem suum statum, eo plus dolent, maioriq; moerore conficiuntur: unde verba Davidis in hunc modum illi accommodat Chrysostomus: *Et quid erit, si de hac bonorum angelorum esurie regius propheta tunc loquebatur, cum dicebat: Divites egerunt, et esurierunt, inquirentes autem Dominum non minuentur omni bono? quasi diceret, cum divites essent, tamen egerunt, et esurierunt, non diminuti sunt omni bono. Sed quales quae, omni bono? Sane illo, de quo Dominus ad Moysen dicebat: Ego ostendam tibi omne bonum. Hoc est, ostendam tibi me ipsum, et illam felicitatem tibi communicabo, quae in mei visione consistit. Hoc ergo omni bono angeli esurientes non sunt diminuti, quia cum in sua esurie Dominum, et non se ipsos inquisiverint, sicut fecerunt mali angeli, scilicet, et non Dominum inquirentes, ipse Dominus esurientes illos bonis omnibus implevit, bonis, inquam, gloriae suae, bonis beatitudinis suae, bonis visionis suae.*

Tertiam expositionem refert ex Theophylacto doctissimus Beuxamis (in sua erudita harmonia), qui per *esurientes* intelligit Gentiles, non habentes Scripturas, legem, vel mandata, quos tamen implevit Dominus, ad Ecclesiam suam illos ducens, bonis Scripturarum legis evangelicae, et sacramentorum opibus; per *divites* vero intelligit Iudaeos, multis bonis Scripturarum, et legis, necnon et divinarum oraculorum responsis locupletes, quos tamen inanes et vacuos dimisit, sine templo scilicet, sine sacrificio, sine sacramentis, adeo ut instar filii prodigi non vescantur nisi siliquis, hoc est, cortice tantum sacrae Scripturae, non interiore, et vero eius sensu, facti in hoc Iudaei Esau persimiles; sicut enim ille prior nata fors venationis inserviens patris benedictionem amisit, ita Iudaei foris vagantes, hoc est, foris in literae cortice iustitiam quaerentes, benedictionem coelestis haereditatis amiserunt, quam tamen Iacob posterior nato, domus remanens acquisivit, hoc est, gentilis populus soli interiori, et spirituali sensui intendens, a Deo consequutus est. Latet quidem ad modum frumenti sub palea spiritalis, et verus sensus sub cortice literae; Iudaei instar brutulorum animantium palea vescuntur, Gentiles vero tanquam rationis participes, spiritus frumentum edunt. Unde Iob (c. 5). Iudaeorum esurient, et esurientium gentilium saturitatem praevident dicit (Iob 5): *Ego vidi stultum, cuius messum famelicus comedit; hoc est, vi-*

di stultum populum Iudaeorum, cuius messum famelicus Gentilium populus comedit. Id etiam ipsum spiritu prophetico praevident Isaias (cap. 65) in persona Dei haec loquens est: *Ecce servi mei comedent, et vos esuriatis: ecce servi mei bibent, et vos sitietis: quasi dicat: ecce servi mei Gentiles ad fidem conversi comedent cibum corporis mei, vescenturque suavissimis catholicae doctrinae epulis, et vos famem patiemini ut canes; ecce servi mei Gentiles bibent aquam vivam salientem in vitam aeternam; ipsi bibent sanguinem meum, et vos siti aridi remanebitis. Haec eandem expositionem acceptat Nicolaus de Lyra dicens: *Per esurientes designantur Gentiles, qui cum magno desiderio verbum Dei receperunt; per divites vero legiserunt, divites Scripturarum prius repleti, et falsum intellectum Scripturarum in cuius figura, ut tradit d. Paulus (2. Cor. 3): Moyses nescit velamen super faciem suam, ut non intenderent filii Israel in faciem eius: erat quidem velum Moysis singulari gloria et splendore effulgens, sed tamen velamine contextus, manus autem eius in sinu missa, leprosa facta esse memoratur: per quae duo aperte significantur, primum, quod Iudaei Christi gloriam, et maiestatem agnoscere renunt, Apostolo dicente: *Usque ad hodiernum diem velamen positum est super cor eorum*; secundum, quod ex operibus legis nullus erat a peccati lepra emundandus, id enim praenotabat leprosa Moysis manus in sinu recondita. Addunt etiam isti auctores, per hos divites apte intelligi posse haereticos, qui adeo se divites gloriantur, ut se aliis omnibus, etiam antiquissimis Ecclesiae Patribus, praefarent, eisque se sapientiores sibi falso blandiantur, cum tamen revera catholica doctrina, solida veritate, et sacramentorum fructu omnino inanes et vacui remanserint. Utitur quidem sacramento baptismatis, sed adulti sine gratia illud recipiunt, ut docuit d. Augustinus (tom. 3. de fide ad Petrum cap. 26. et 39): *Firmissime tene, et nullatenus dubites: sacramentum baptismatis non solum intra Ecclesiam catholicam, sed etiam apud haereticos esse potest, sed extra Ecclesiam catholicam prodesse non potest. Imitantur etiam sacramentarii Eucharistiam, sed vacui sunt ipsi mensura et veritate: nam licet dicant vesci et pasci corpore Christi, inania haec sunt, cum corpus Christi sub speciebus realiter existere negent, solumque eius umbram in Eucharistia esse agnoscat: unde consequens est, quod sola umbra pascantur, non veritate.***

Quartam expositionem praecedenti omnino oppositam ex mente cardin. Toleti (sup. cap. 1. Lucae) referam; illa enim Iudaeis adversabatur, haec eos exaltat: censet enim promissionis terram fertilem, abundantem, et melle ac lacte manantem, traditam fuisse Hebraeis pauperibus, et esurientibus, ut vocat illos David (Psalm. 106): *Esurientes, et silentes, anima eorum in ipsis deficit; ab eadem vero exclusus fuisse idololatrias, ut sacrilegus idolorum cultus verae ac sanctae Dei religioni cederet.*

Quintam expositionem nos docet cardinalis